



ZLATKO MILETIĆ

Dom naroda Parlamentarne skupštine BiH
Klub izaslanika hrvatskog naroda

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 17-04-2023

Organizaciona jedinica	Klasifikaciona oznaka	Redni broj	Broj priloga
02-50-6-16-4/13			

Sarajevo, 17.04.2023. godine

PARLAMENTARNA SKUPŠTINA BiH
DOM NARODA
n/r: g. Nikola Špirić, predsjedatelj

Na osnovu člana/članka 154. i 155. Poslovnika o radu Doma naroda Parlamentarne skupštine Bosne i Hercegovine („Službeni glasnik BiH“, br.58/14, 88/15 i 96/15) postavljam slijedeće

IZASLANIČKO PITANJE
(zaštita domaćih poljoprivrednih proizvođača/gospodarstvenika)

Imajući u vidu “Ekspoze Predsjedateljice Vijeća ministara g. Borjane Krišto, za mandatni period 2022 – 2026 g.”, prezentovan javnosti dana 28.12.2022.g., kao i “Program rada Vijeća ministra BiH za 2023.g”. broj 02-07-5-637-2/23 od 30.03.2023.g., može se konstatovati, da ustavno ustrojstvo Bosne i Hercegovine podrazumjeva jaku poziciju entiteta, Republike Srpske i Federacije BiH, u kreiranju ekonomske politike i ekonomske reforme u BiH, ali isto tako, postoje jasne nadležnosti Vijeća ministara BiH u sferi ekonomije i gospodarstva, vanjskotrgovinske, carinske politike i javnih finansija.

Uvažavajući činjenicu, da Bosna i Hercegovina posjeduje prirodne resurse i uvjete za mnogo kvalitetniju poljoprivrednu proizvodnju, uključujući raspoloživost zemljišta, kao i pogodnu klimu, a istovremeno sagledavajući aktualnu situaciju u poljoprivrednoj proizvodnji u BiH, te činjenicu da je trenutno domaća poljoprivredna proizvodnja u Seberiji, Posavini, Krajini, zbog niza okolnosti dovedena “bukvalno u fazu opstanka”, nameće se nekoliko logičnih pitanja, koje za cilj trebaju imati zaštitu domaće poljoprivredne proizvodnje, i to :

- da li će Vijeće ministra BiH, hitno, poduzeti bilo kakve mjere iz svoje nadležnosti u kontekstu promjene vanjskotrgovinske i carinske politike u smislu zaštite poljoprivrednih proizvođača u BiH (npr. na način kako je to uradila R Srbija),
- koji je trenutni status “zajedničkih napora” da se konačno pripremi i usvoji cjelodržavna “Strategija za ruralni razvoj za razdoblje 2022 – 2027 g.”, koja je uvjet za korištenje pomoći Europske unije iz IPA III instrumenta, što bi našim poljoprivrednicima u znatnoj mjeri olakšalo poslovanje i podiglo konkurentnost,
- kakav je trenutni status u “postizanju političkog dogovora” u svezi s uspostavljanjem institucionalnih struktura nužnih za efikasno korištenje pretpristupne pomoći za ruralni razvoj – IPARD programa (što bi predstavljalo ogromnu finansijsku pomoć poljoprivrednim proizvođačima u BiH), uključujući uspostavu tjela za plaćanja i integrirani sustav administracije i kontrole, sustav za identifikaciju zemljišnih parcela i mreže računovodstvenih podataka za poljoprivredna gospodarstva, kao i na usvajanju državnog zakona o vinu i organskoj proizvodnji.

Pitanje postavljam Predsjedateljici Vijeća ministara Bosne i Hercegovine i nadležnom ministru Ministarstva vanjske trgovine i ekonomskih odnosa BiH.

S poštovanjem

ZLATKO MILETIĆ